

**Uunga siunnersuut: Piniarneq aallaaniarnerlu pillugit Inatsisartut inatsisaat nr. xx, xx.
xxx 2019-imeersoq**

Aalisarnermut, Piniarnermut Nunalerinermullu Naalakkersuisumit saqqummiunneqartoq

pillugu

Aalisarnermut, Piniarnermut Nunalerinermullu Ataatsimiititaliap

siunnersuutip aappassaaneernejarneranut

ISUMALIUTISSIISUTAA

Ataatsimiititaliap suliarinninnermini ilaasortarai:

Inatsisartunut ilaasortaq Henrik Fleischer, Siumut, siulittaasoq

Inatsisartunut ilaasortaq Aqqaluaq B. Egede, Inuit Ataqtigiit, siulittaasup tullia

Inatsisartunut ilaasortaq Erik Jensen, Siumut

Inatsisartunut ilaasortaq Jens Danielsen, Siumut

Inatsisartunut ilaasortaq Múte B. Egede, Inuit Ataqtigiit

Inatsisartunut ilaasortaq Hans Enoksen, Partii Naleraq

Inatsisartunut ilaasortaq Steen Lynge, Demokraatit

Ulloq 4. oktober 2019-imi UPA2019-imi siullermeerinninnerup kingorna ataatsimiititaliap siunnersuut misissorpaa.

1. Siunnersuutip imarisaa siunertaalu

Kalaallit Nunaanni piniarneq aallaaniarnerlu pillugit Inatsisartut inatsisaannik paasiuminartumik, ullutsinnut naleqquttumik atoruminartumillu pilersitsinissaq piniarnermut aallaaniarnermullu inatsimmi pingaarnertut siunertaasoq Naalakkersuisut paasissutissiissutigaa. Siunnersuut piniarneq aallaaniarnerlu pillugit Inatsisartut peqqussutaannik 1999-imi akuersissutigineqartumik, tamatumalu kingorna pingasoriarluni kingullermillu 2008-mi allannngortinneqartumik nutarterineruvoq.

Piniagassat nungusaataangitsumik tunngaveqarluni atorneqarnissaasa qulakkeernissaat siunnersuutikkut siunertarineqartoq Naalakkersuisut paasissutissiissutigaaat. Kiisalu piniarneq aallaaniarnerlu pillugit maleruagassanik unioqquutitsisut, inuit suliffeqarfiillu, nakkutilliinermik oqartussaasumit kinguneqartitsiffiusinnaaneramik ajornannginnerulersitsisussanik periutsinik nutaanik arlaqartunik Kalaallit Nunaanni Aalisarnermik Akuersissutinik Nakkutilliisoqarfiup peqalernissaa siunnersuutikkut siunertaavoq.

2. Inatsisartut siunnersuummik siullermeerinninnerat

Siullermeerinninnermi sammisat tulliuttut ilaatigut eqqartorneqarput:

- § 22, imm. 3, piffissap piniarfiusup uninnerata kingorna ullut pingasut tikillugit tunisisinnaaneq pillugu, piffissami piniarfiusumi ulloq kingulleq qaangiuppaa tunisisinnaanerup sivitsorneqaratarsinnaanera siunertaralugu eqqartuisoqarpoq.
- Piniarnermut nakkutilliinerup aqqissugaaneramik pitsanngorsaaneq.
- Piniarnermut allagartat aqqissugaanerannik nutarsaneq.
- Tammajuitsussarsiorluni piniarnermi malittarisassanik pisariaqartitsineq.
- Inatsimmik unioqquutitsinermi pillaatissiissutissamik nalilersuineq.
- Uumasut amerlassusaannut ilisimasat pingaaruteqarnerat.
- Pinngortitaleriffiup piniartullu akornanni suleqatigiinneq.
- Inatsimmi isumannaallisaanermut atortut sillimmasiinerillu pillugit piunasaqaammik suliaqartoqarnissaanut kissaateqarneq.
- Piffissap piniarfiusup avataatigut uumasut ikilikkat toqunneqartarnissaannut aammalu taakkua qimaannarneqartarnerannut aalajangersakkap allanngortinnissaa.
- Sunngiffimmi piniartut pisaminnik tuniniaanissaannut periarfissaq.
- § 7 allanngortinnissaa, inuussutissarsiutigalugu piniartutut allagartartaarnissamut avataaneersut ukiut tallimat nunatsinni najugaqareersimanissaat.

3. Naalakkersuisuniit allannguinnissamut siunnersuutit marluk

Naalakkersuisut siunnersuummik siullermeerinninnerup kingorna allannguutissatut siunnersuutinik marlunnik saqqummiussaqarput. Allannguutissatut siunnersuut siullegg § 38-mut naqqiutissanut marlunnut tunngassuteqarpoq. Allannguutissatut siunnersuutip aappaa Piniartut siunnersuisoqatigiiviniit kaammattuutinik tunngaveqarpoq.

4. Tusarniaanermut akissutit aammalu Inatsisartut inatsisissanik nalilersuisarfiannit allagaqaat

Siunnersuut ulloq 29. marts 2019-imit ulloq 3. maj 2019-imit tusarniaassutigineqarsimasooq aammalu illuatungeriit attuumassuteqartut amerlanerit tusarniarneqarsimasut ataatsimiititaliamit paasineqarpoq. Pingaaruteqassusiannik naliliineq tunngavigalugu

tusarniaanermut akissutit inatsisissatut siunnersuummut nalinginnaasumik nassuiaatini pingaarnersiorlugit issuaavigineqarsimasut tusarniaaneq pillugu allakkiami allassimavoq.

Naalackersuisut piffissami tassani inatsimmut siunnersuutip saqqummiunneqarnerani Piniarnermut siunnersuisoqatigiit tusarniarsimangilaat, taakkuullutillu pingaarutilimmik inissisimasut. Taamaattumik Ataatsimiititaliap 11. november 2019 allakkatigut Piniarnermut siunnersuisoqatigiit ataatsimiititaliap isumaliutissiissutiminik naammassinninnginnermini tusarniarneqarnissaat Naalackersuisunut piumasaraa.

11. november 2019-imi allakkani akineqarnissaa pillugu Aalisarnermut, Piniarnermut Nunalerinermullu Naalackersuisumut 6. marts 2020-imi allakkatigut ataatsimiititaliamit qinnutigineqarpoq.

Aalisarnermut, Piniarnermut Nunalerinermullu Naalackersuisumit allakkatigut ulloq 3. april 2020-meersutigut ataatsimiititaliaq paasitineqarpoq Piniarnermut siunnersuisoqatigiit piffissami 12. novemberimiik 18. december 2019 tikillugu tusarniarneqarsimasut. Naalackersuisut nangillugu allapput Piniarnermut siunnersuisoqatigiit oqaaseqaataat siunnersuutaallu tunngavigalugit inatsimmut siunnersuummut allannguisoqassasoq. Ataatsimiititaliap Naalackersuisuniit allannguutissatut siunnersuut nr. 2 ulloq 15. maj 2020 tiguaa, upernaakkut ataatsimiinnissap aallartiffiani.

Naalackersuisut ataatsimiititaliamut allagaa 3. april 2020-meersoq Piniarnermut siunnersuisoqatigiianit oqaaseqaatalik kiisalu KNAPK-mit aamma Tapertaralugu Piniartartut Aalisartartullu Kattuffiannit (TPAK) tusarniaanermut akissutip assiliner aammalu angallatit angissusiinut killigitat 15 m-imiit 16 m-imut allanngortinneqarnerata kingunissai pillugit allagaqaat Piniarnermut siunnersuisoqatigiit 20.-21. februar 2020 siunnersuutigisimasaa isumaliutissiissummut uunga ilanngussatut ilanngunneqarput.

Tusarniaanermut akissutinut takkuttunut inatsimmullu siunnersuutip ilusilersugaaneranut tunngatillugu inatsisilerinikkut oqaaseqaatit ilanngullugit isumaliutissiissummut Inatsisartut inatsisissanik nalilersuisarfiannit inatsisilerinikkut allagaqaat ilanngunneqarpoq.

Naalagaaffiup unnerluussisuata tusarniummut akissutaa aammalu Inatsisissamik nalilersuisarfiup allagaqaataa tunngavigalugit siunnersuutip pingajussaaneeraneqannginnerani allannguutissatut siunnersuummik saqqummeeqqullugit ataatsimiititaliap Naalackersuisut kaammattorpai. Ataatsimiititaliap innersuussutaa takuuk.

5. Ataatsimiititaliap siunnersuummik suliarinninnera

5.1 Ataatsimiititaliap inerniliinera

Ataatsimiititaliap suliamik ingerlatsinermini Aalisarnermut Piniarnermut Nunalerinermullu Naalakkersuisoq inatsisissaq pillugu siunersioqatigaa. Inatsisissami allannguutissat aaqqitassallu pillugit ataatsimiititaliap piumasaaqatai Naalakkersuisup aaqqissallugit neriorsuutigisimasai Suliarineqarsimanngillat. Taamaalilluni inatsisissaq pillugu ataatsimiititaliap sulinera inatsisissamillu suliaqarnermini ingerlatsiniarnera innarlerneqarpoq. Inatsisissap aaqqitassartaqaqisup piffissaaruffigineqarneranik kinguneqartumik.

Inatsisissatut siunnersuut ilusimisut iluseqartoq ilusimisut iluseqartillugu suliarineqarnerata ingerlateqqinneqarnissaa tulluanngitsoq Ataatsimiititaliaq isumaqatigiittoq naliiivoq. Taamaattumik siunnersuutip itigartitsissutigineqarnissaa ataatsimiititaliap inassutigaa.

Siunnersuut utertinneqassasoq nutaamillu tusarniaareernerup kingorna inatsisissatut siunnersuummik saqqummiusseqqullugu ataatsimiititaliap isumaqatigiittup Aalisarnermut, Piniarnermut Nunalerinermullu Naalakkersuisoq kaammattorpaa.

Inatsisissatut siunnersuut suliassaqarfiit ilanngullugit saqqummiunneqartumut sanilliullugu allanngortinneqartariaqartutut ataatsimiititaliamit isigineqartut matuma kinguliani ataatsimiititaliamit saqqummiunneqassapput.

5.2 Piniartut- atuisullu ilisimasat ilanngunneqarnissaat (§ 2, imm.. 2 aamma imm. 3)

Piniartut

Siunnersuisoqatigiivisa tusarniaanermut akissuteqaataat taparserneqarpoq, tassani allassimammat, piniartut- atuisullu ilisimasat aalajangiiniarnermi uumassusilerinikkut Naalakkersuisut siunnersorneqartarnerattuulli pingaaruteqartigimmat ataatsimiititaliamit taparserneqarpoq.

Taamaattumik inatsisissatut siunnersuut nutaaq tamatumunnga naapertuussarlugu allanngortinneqassasoq ataatsimiititaliaq isumaqarpoq.

5.3 Nunatsinni inuiaqatigiinni aalajangersimasumik attuumassuteqarneq (§ 3, nr. 7)

Aalisarnermut Siunnersuisoqatigiit tusarniaanermut akissuteqaataat ataatsimiititaliamit taparserneqarpoq, § 3, nr. 7 tusarniaanermi akissuteqaammi naapertuuttunngorlugu allanngortinneqarnissaanik Naalakkersuisut siunnersuutigisaat naammagisimaarlugu, taamaalilluni Kalaallit Nunaanni inuit nalunaarsorsimaffiannut nalunaarsimanissamik allassimasoqalissalluni.

5.4 Piniarnermut allagartartaarnissamut ukiut killigititaasut

Inatsisissatut siunnersuummi ukiut killigititaasut ataatsimiititaliap misissorpai. Ukiut killigititassatut siunnersuutigineqartut ataatsimiititaliamit taperserreqarpoq

5.5. Pisanik tunisineq tuniniaanerlu

Uumasunik pisanik tuniniaaneq taamaallaat piffissap piniarnerup uninnerata kingorna sivisunerpaamik ulluni pingasuni akuerisaasoq pillugu (§ 22, imm. 3) inatsisissatut siunnersuummi aalajangersagaq ataatsimiititaliamit oqaluuserineqarpoq. Tassani allassimavoq, uumasut tunisassiallu aalajangersimasut mininneqarsinnaasut. Aamma tassunga tunngatillugu Naalackersuisut malittarisassanik sukumiinerusunik aammattaaq pilersitsisinnaasut (§ 37, imm. 3).

§ 22-mut oqaaseqaatini ima allassimasoqarpoq ulluni pingasuni tuniniaasinnaanermi arferit angisuut neqaannik, mattaannik orsuinillu tuniniaanerit mininneqarsinnaasut. Ataatsimiititaliap aalajangersagaq ima paasivaa assersuutigalugu ulluni pingasunit amerlanerusuni piffissap piniarfiusup naareernerata kingorna tunisassianik ukuninnga tuniniaasoqarsinnaasoq Naalackersuisut aalajangersinnaagaat.

Inuussutissanik isumannaallisaaneq eqqarsaatigalugu ulluni pingasuni piffissaliineq naapertuuttoq Naalackersuisut isumaqartut KNAPK-p tusarniaanermi akissuteqaataanut Naalackersuisut oqaaseqaataani allassimavoq.

Ataatsimiititaliap paasinninnera naapertorlugu piffissap piniarsinnaaffiusup qaangiunnerani uumasunik tunisisinnaanermut tuniniaanermullu ataatsimut isigalugu piffissaliisoqartariaqanngilaq.

Piniarniarnermi silap silaannaallu pissusaat taarsiullugu eqqarsaatigineqartariaqarput. Piniakkat qanoq suliarineqartarnerat pillugu kulturikkut ilisimasat aamma eqqarsaatigineqartariaqarput, tamakkulu katersorneqartariaqarput allattorneqartariaqarlutillu. Atuisut ilisimasaat aamma ilanngunneqassapput.

Ataatsimiititaliap paasinninnera naapertorlugu sukkulluunniit atuuttussamik inuussutissalerinermut-nalunaaruteqartariaqaralarpoq atuisut inuussutissaqarniarnikkut qulakkeerunneqarlutik tuniniaanermi killissarititaasunik aalajangersaasumik.

5.6. Piffissap piniarfiup avataani uumasunik pissatanik toqutsineq

Siunnersuummi § 20, imm. 4, naapertorlugu kikkulluunniit uumasumik pissatamik sulilu

uumasumik naammattuuguni toqutsissasut, tamanna ajornanngippat. Toqutsineq piffissap piniarfiup avataatigut pissappat, taava uumasooq toqunneqartoq qimaannarneqassaaq.

Piffissap piniarfiup avataani toqutsineq pisimappat, pissatap toqunneqarsimasup qimaannarneqarnissaanut piumasaqaat pillugu siullermeerinninnermi partii ataaseq isumaqataangilaq.

Inatsimmi oqaaseqaatini nassuiarneqangilaq piumasaqaammi tassani suna siunertarineqarnersoq, nakkutiginninnermili tunngasut eqqarsaatigineqarunarlutik: Piniartooq uumasumik piffissap piniarfiusup avataani pisaqarsimasooq, nakkutilliisuniillu (imaluunniit allaniit) naammattoorneqartoq oqarsimappat uumasooq pissataq pisarisimallugu iperaannarneqarsinnaangilaq akiligassiinnarneqarlunilu.

Siullermeerinninnermi oqaatigineqarpoq piumasaqaat ajuusaarnaraluartumik neqinik maanngaannartitsinermik kinguneqartartoq.

Pisariaqavissumik pinngitsoortinneqarsinnaangitsumilluunniit uumasumik toqutsisariaqarnermut aalajangersakkami (§31) taarsiullugu aalajangerneqarpoq uumasooq toqunneqarsimasooq Kalaallit Nunaanni Namminersorluni Oqartussat pigigaaq (taamaalillunilu aalajangersinnaallugu soorlu assersuutigalugu sumiiffimmi utoqqaat angerlarsimaffiata neqi pissagaa).

Ataatsimiititaliap paasinninnera naapertorlugu, piniarsinnaatitaanerup atavaatigut uumasunik toqunneqarsimasunik qimatsiinnartarneq isumaqanngitsoq innuttaasunullu iluaqutaasussaagaluit taamaalilluni maanngaannartinneqartarlutik.

Taamaattumik aalajangersagaq taanna nutaamik inatsimmik missingiusiornikkut allanngortinneqartariaqartoq ataatsimiititaliamit kissaatigineqarpoq.

Taamatuttaaq inuup pissatamik naammattuuisooq uumasumillu toqutsisoq inatsisissatut siunnersuutissami eqqarsaatigineqartariaqarpoq. Uumasumik toqutsinermut atatillugu aningaasartuutaasimasunut minnerpaamik taarsissuteqarfigineqarsinnaasariaqarpoq. Matumani assersuutigalugu orsussamut, qamutillit qaartartuinut atortunullu aserorsimasunut aningaasartuutit taaneqarsinnaapput il.il.

5.7 Inuussutissarsiutigalugu piniartutut allagartartaarnissamut piumasaqaateqarneq pillugu Kalaallit Nunaanni najugaqareersimanissamut piumasaqaatip sivitsorneqarnera
Inuussutissarsiutigalugu piniarnermut aallaaniarnermullu akuersissutinut piumasaqaaterpaalunnik Inatsisissatut siunnersuut § 7 imaqarpoq. Qinnuteqartup Kalaallit

Nunaanni najugaqavissuunissaa qaammatinilu kingullerni 24-ni najugaqarsimanissaa piunasaqaatit taakkua akornanni piunasaqaataavoq.

Najugaqavissut piniartullu amerliartortillugit piffiit aalajangersimasut pineqartillugit piunasaqaatip taassuma sukateriffigineqarnissaa eqqarsaatigineqartariaqartoq siullermeerinninnermi partiimit ataatsimit kaammattuutigineqarpoq. Qinnuteqartup ukiuni kingullerni tallimani Kalaallit Nunaanni najugaqareersimanissaa partiimit piunasarineqarpoq.

Taamaattorli KNAPK najugaqarnermut piunasaqaammik sukaterisoqarnissaanik kissaateqarnermik paasititsisimanngitsoq ataatsimiititaliamit maluginiarneqarpoq.

Najugaqarnissamut piunasaqaat ataatsimiititaliami eqqartorneqarpoq, nunatsinnilu aalajangersimasumik najugaqarsimanissaq ukiuni marlunniit tallimanut qaffanneqarnissaa najugaqarsimanissamut piunasaqaat ataatsimut isigalugu sukateriffigineqarnissaa isumaqatigalugu. Taamaattoq siunnersuummi § 10-mi taaneqartutut immikkut akuersissuteqarnissamut periarfissiisoqassasoq ataatsimiititaliaq isumaqarpoq.

5.8 Piniartutut inuussutissarsiuteqalersinnaanissamut piunasaqaatit

Inuussutissarsiutigalugu piniarnermut aallaaniarnermullu akuersissutinut piunasaqaaterpaalunnik Inatsisissatut siunnersuut § 7 imaqarpoq. Qinnuteqartoq aqutsiveqarfimmi piniarnermut aallaaniarnermullu atortunik pisariaqartinneqartunik peqarnissaa piunasaqaataavoq, pineqartoq piniarnermik aallaaniarnermillu inuussutissaqarsinnaaqullugu.

Piniartut siunnersuisoqatigiinnit kaammattorneqarlutik Naalakkersuisut allannguutissatut siunnersuummik saqqummiussaqrput, tamanna piunasaqaammut tassunga sukaterinerulluni, taamaalilluni qinnuteqartoq aqutsiveqarfimmi piniarnikkut aallaaniarnikkullu inuussutissarsiuteqartussaq piniarnissaminut aallaaniarnissaminullu matumani angallat ilanngullugu pisariaqartinneqartunik *atortorissaaruteqassalluni* – taamaattorli 18-it ataallugit ukiulinnut piniarnermut aallaaniarnermullu atortunik pisarialinnik peqartumut immikkut akuersissuteqarnissaq periarfissaassaaq.

Piniarnermi aallaaniarnermilu pisariaqartinneqartunik nammineq pigisaqarnissamik piunasaqaat piniartunut ajornartorsiutaalersinnaasoq ataatsimiititaliaq isumaqarpoq, taamaattumillu allannguutissatut siunnersuut una tapersersinnaanagu.

Qinnuteqartup piniarnermut aallaaniarnermullu atortut pisariaqartinneqartut pigissagai, *tassunga ilanngullugit isumannaallisaanermut atortut* soorlu assersuutigalugu VHF, KNAPK tusarniutigineqartumut akissummini kaammattuutigisimagaa ataatsimiititaliap maluginiarppaa.

Taamatuttaa q isumannaallisaanermut atortut pillugit piumasaqaat – kiisalu sillimmasiisarneq – inatsimmut ilanngunneqassasut (imaluunniit inatsimmut allamut) siullermeerinnittoqarnerani partiimit ataatsimit kaammattuutigineqarpoq.

Kaammattuutigineqartut taakku akineqarnissaat aappassaaneerinninnermi akissuteqaammini ***Naalackersuisunut ataatsimiititaliamit qinnutigineqarpoq.***

Pineqartup ataatsimut isertitai minnerpaamik 50 %-tii piniarnermit, aallaarniarnermit aalisarnermillu pineqartup ataatsimut isertissimassagai akuersissuteqarnissami apeqqutaassasoq inatsisissatut siunnersuummi § 7, nr. 5-imi piumasaqaatigineqartoq Naalackersuisunit peerneqassasoq ilanngullugu ataatsimiititaliamit kaammattuutigineqarpoq.

Ilanngullugu inuussutissarsiutigalu piniartunut aallaaniartartunullu akuersissuteqarnissamut piumasaqaatinik aalajangersaasarneq ataatsimiititaliap paasinninnera naapertorlugu kommunitunut tunniunneqarsinnaalluarpoq, taakku kommunit ileqqoreqqusaliornermikkut ilanngussinnaavaat.

5.9 Inuussutissarsiutigalugu piniarnermut allagartap atuuffia

Inuussutissarsiutigalugu piniarnermut allagartaq ullumikkut ukioq ataaseq atuuffeqarpoq. Atuuffiata naalernerani inuussutissarsiutigalugu piniartooq inuussutissarsiutigalugu piniarnissaminut aallaaniarnissaminullu akuersissummik nutaamik qinnuteqassaaq, tassungalu atatillugu piumasaqaatinik naammassinnissimassalluni, tassunga ilaalluni pineqartup isertitaasa katinnerisa piniarnermit, aallaaniarnermit aalisarnermiillu katillugu isertitarisimasat minnerpaamik 50 %-ii pillugit piumasaqaat.

Siullermeerinninnermi inuussutissarsiutigalugu piniarnermut allagartat killeqanngitsumik atuuttussatut tunniunneqartarnissaannik partii ataaseq kaammattuuteqarpoq, tamannalu aatsaat inuussutissarsiut allanngorneqarpat annaaneqartassalluni.

Kaammattuutigineqartut taakku akineqarnissaat aappassaaneerinninnermi akissuteqaammini ***Naalackersuisunut ataatsimiititaliamit qinnutigineqarpoq.***

5.10 Piniarnermut allagartat assigiinngitsut

Piniarnermut allagartat immikkoortunut assigiinngitsunut pingasunut aaqqissugaaneranut allanngortinneqarnissai, tassa inuussutissarsiutigalugu piniarnermut allagartat, piniarnermut allagartat, tamakkiisuunngitsumik piniarnermut allagartat aamma sunngiffimmi piniarnermut allagartat uterfigeqqinneqarnissaat siullermeerinninnermi partiimit ataatsimit kaammattuutigineqarpoq.

Aappassaaneerinninnermi taama kaammattuuteqarneq **Naalakkersuisut oqaaseqarfiggissagaat ataatsimiititaliamit qinnuigineqarput.**

5.11 Pineqaatissiinissamut periarfissat annertusineqarneri

Inatsimmi nalunaarutiniluunniit aalajangersakkanik unioqqutitsinnermi inatsimmi tunngavissiisoqartillugu akiligassiisoqarnissaanut inatsimmut siunnersuut taamaallaat periarfissiivoq.

Akiligassiisoqarnermiit sakkortunerusumik pineqaatissiisoqartalernissaanut periarfissiinissap eqqarsaatigineqarnissaa partiimit ataatsimit siullermeerinninnermi kaammattuutigineqarpoq. Unioqqutitsilluni piniarnermi uumasut aalajangersimasut iluanaarniaannarluni malunnaatilimmik innarlerneqarsinnaanerat akuerineqarsinnaanngitsoq partiimit uparuarneqarpoq.

Kaammattuutigineqartut taakku akineqarnissaat aappassaaneerinninnermi akissuteqaammini **Naalakkersuisunut ataatsimiititaliamit qinnutigineqarpoq.**

5.12 Uumasunik pisassiissutigineqartunik tuniniaaneq (§ 21, imm. 1 aamma imm. 3)

Unioqqutitsilluni pisanik tuniniaarnerup pinaveersaartinneqarnissaa akuerineqassappat pizarreqartoq kommunimut- imaluunniit nunaqarfiup allaffianut pisanik tuniniaasoqannginnerani nalunaarsorneqarsimanissaa pillugu aalajangersaasoqassasoq Naalakkersuisunit siunnersuutigineqarpoq.

Unioqqutitsilluni pisanik tuniniaasarnerup pinngitsoortinniarneqarnera ataatsimiititaliamit paasilluarneqarsinnaavoq, piniartulli tunisisinnaanerannut tuniniaasinnaanerannullu periarfissaat eqqarsaatigalugit aalajangersagaq siunnersuutigineqartoq eqaatsuunngitsoq isumaqarluni. Pingaartumik piniagassat kommunimi imaluunniit nunaqarfinni allaffiit tallimangornermiit ataasinngornermut aammalu nalliuttuni matoqqanerisa nalaani pizarreqarsimasut eqqarsaatigalugit.

Piniagassat tallimangornermit ataasinngornermut kiisalu nalliuttuni pizarreqarsimasut kommunip nunaqarfiulluunniit allaffiisa ammanerini aatsaat nalunaarsorneqarsinnaasut taamaalillunilu ataasinngornermi nalliuttullu qaangiunneranni tuniniarneqarsinnaanerat naapertuutinnngitsoq ataatsimiititaliaq isumaqarpoq. Piniartup pisaminik nalunaarsuinissaminut tuniniaanissaminullu ulluni arlaqartuni utaqqisariaqarneranik tamanna kinguneqassaaq.

Taamaattumik piniartut pisaminik tuniniaasarnissaat siunertaralugu sapinngisamik

sukkasuumik nalunaarsuisoqartalernissaa siunertaralugu Naalakkersuisut aalajangersakkamik nutaamik suliaqarnissaat ataatsimiititaliamit siunnersuutigineqarpoq.

Kommunit ileqqoreqqusaat malillugit pineqartoq kommuninit aqunneqartussanngorlugut tunniunneqassasoq ilanngullugu ataatsimiititaliamit siunnersuutigineqarpoq.

5.13 Pisanik tunisineq tuniniaanerlu

Pisanik suliffeqarfinnut, paaqqinnittarfinnut neriniartarfinnullu toqqaannartumik inuussutissarsiutigalugu piniartut kisimik tuniniaasinnaasut Inatsimmut siunnersuummi § 21, imm. 3-mi, aalajangersarneqarpoq.

Taamatuttaaq inuussutissarsiutigalugu piniartut kisimik mattannik, orsunik, amernik, niaqqunik, nassunnik, saanernik, kukinnik, kigutinik imaluunniit aqajaqqunik tunisisinnaallutillu tuniniaasinnaasut ilanngullugu inatsisissatut siunnersuummi § 21, imm. 6-imi allassimavoq.

Aalajangersakkani pineqartuni marlunni piniagassat pisassiissutigineqartut taamaallaat pineqartut ataatsimiititaliamit paasineqarpoq. Taanna eqqortumik paasinninnerunersoq paasissutissiissutigeqqullugu aappassaaneerinninnermi akissuteqaammimi *ataatsimiititaliap Naalakkersuisunut qinnutigaa*.

Neqinik tuniniaanerit § 21, imm. 6-imi ilaanngitsut uppernarsarneqassasoq *Naalakkersuisut qinnuigineqarput* (Aalajangersakkami oqaatigineqartuni neqi ilaanngitsoq ataatsimiititaliamit paasineqarpoq, naak tassunga tunngassuteqaraluartut aalajangersakkami inatsisitigut oqaaseqaatini eqqaaneqartut).

5.14 Piniariarfiit pilaffiillu pisat sinnikuinik piiaaneq (§ 24, imm. 6)

Piniariarfinni assersuutigalugu uumasut ilumiuinik piniartunit aamma peerneqartarnissaannik aalajangersagaq qanoq isumaqarnersoq pillugu aappassaaneerinissamat akissuteqaamminni Naalakkersuisut itisiliissasut akissuteqaallu inatsisissatut siunnersuutissamat oqaaseqaatitut ilanngunneqassasoq *ataatsimiititaliamit kaammattuutigineqarpoq*.

Ataatsimiititaliap paasinninnera naapertorlugu, assersuutigalugu piniariarfinni uumasut ilumiuinik, amiinik niaquinillu qimatsisinnaasoqartariaqarpoq, aammalu arferup qimerlukuinik imaanut kiversaasoqarsinnaasariaqarluni.

5.15 Piniarnermut aallaaniarnermullu inatsimmik malinninnissamat nakkutilliinerup nukittorsarneqarnissaa – piniarnermut nakkutilliisut amerlineqarnerat.

Piniarnerup aallaaniarnerullu nakkutigineqarnerata nukittorsarneqarnissaa aammalu piniarnermut nakkutilliisut amerlineqarnissaat siullermeerinninnermi partiinit ataasiakkaanit kaammattuutigineqarluni.

Piniarnermut nakkutilliisut amerlassusilerneqartarnerat aningaasaqarnermut inatsimmi aningaasaliissutit apeqqutaasartut ataatsimiititaliamit maluginiarneqarpoq.

Naalackersuisut § 37-mi akissuteqarnerminni¹ paasissutissiissutigaaq aggustimi 2019-imi Kalaallit Nunaanni piniarnermut nakkutilliisut arfineq-marluusut: Upernavimmi marluk, Ilulissani ataaseq, Sisimiut ataaseq, Maniitsumi ataaseq, Nuummi ataaseq Ittoqqortoormiinu ataaseq.

Siusinnerusukkut kisitsisit qaffasinnerunikuugaluarpot.

Ullumikkut nakkutilliinerup aaqqissugaanera imaappoq unioqutitsinissamut ilimanaateqarfiunerusuni unioqutitsinerup ajoqusiiffiginerussaanaani nakkutilliineq ingerlanneqartarpoq

Aammattaaq nunatsinni piffiit ilaanni qaqutigunnaq nakkutilliinermik ingerlatsisoqarneranik kinguneqartarluni. Taasilap eqqaa assersuutigalugu Nuummi piniarnermut nakkutilliisup nakkutigisarivaa, ukiunilu kingullerni marlunni Tasiilap eqqaani nakkutilliinermik ingerlatsisoqarnikuunngilaq.

Piniarnermut nakkutilliisumik ataatsimik atorfinitsitsinermi ukiumut ingerlatsinermut aningaasartuutitut 1 mio. koruunit missaanniittarpoq, tamatuma saniatigut angallatitut, allaffinnut, atortunut, atisanut ilinniagaqarnermullu ukiumut aningaasartuutit 2 mio. koruuniullutik.

Sinerissatsinni piniarnermut nakkutilliisunik pisariaqartitsineq amerlassutsimikkut naammattut maj 2019-imi § 37-mut akissuteqaamminni² Naalackersuisut nalilerpaat.

Piniarnermut nakkutilliisut atugaat ataatsimiititaliamit eqqartorneqarput. Piniarnermut nakkutilliisut atugaasa, matumani ilanngullugit piniarnermut nakkutilliisut sulinerminni sakkuisa naammannersut aammalu sulinerminni naammaginartumik atugassaqartitaanersut Naalackersuisut misissussagaat ataatsimiititaliamit kaammattuutigineqarpoq.

5.16 Tammajuitsussarsiniarluni piniarneq

¹ § 37 naapertorlugu apeqqut nr. 256/2019-imut akissut.

² § 37 naapertorlugu apeqqut nr. 179/2019-imut akissut

Piniariaatsit ilaat soorlu tammajuitsussarsiniarluni piniarnermi akiliilluni piniariarnermik aaqqissuisartut akuerisaasut kisimik ingerlatsisarnissaannik Naalackersuisut tamatigut piumasagaateqartarnissaat pingaaruteqartoq ataatsimiititaliaq isumaqarpoq.

Taamaattumik nutaamik inatsisissatut siunnersuut § 16, imm. 5 piniariaatsit ilaanni akiliisitsilluni piniartitsisartut akuerisaasut kisimik piniariartitsisarnissaannik Naalackersuisut piumasagaateqartarlernissaannik allanngortinneqassasoq siunnersuutigineqarpoq.

Akiliisitsilluni piniariartitsisartut akuerisaasut siunissami najukkani ilisimasaqarluarnissaat kulturikkullu ilisimasaqarluarnissaat ilanngullugu pingaaruteqartoq ataatsimiititaliaq isumaqarpoq.

Tamatuma saniatigut akuerisatut akiliisitsilluni aallaaniartartoq akuerisaassaguni ukiuni tallimani nunatsinni najugaqarnissamut piumasagaammik naammassinnissimanissaa ataatsimiititaliamit siunnersuutigineqarpoq.

Tammajuitsussarsiniarluni piniarnermi uumasup pisarineqarsimasup timaata ilaa pisarineqarfiani qimaannarneqartarnerinut ajornartorsiutip akulikilligaluttuinnarnera partiimit ataatsimit siullermeerinninnermi maluginiaqquneqarpoq.

Akiliisitsilluni piniarneq aalisarnerlu³ pillugit nalunaarummi tammajuitsussarsiniarluni piniarneq malittarisassiuunneqarsimasoq ataatsimiititaliamit maluginiarneqarpoq.

Uumasut pisarineqartut neqaat amiilu angerlaanneqarnissaat imaluunniit isumannaatsumut toqqorneqarnissaat akiliisitsilluni piniariartitsisup qulakkiissagaa § 10, imm. 2, nalunaarummi aalajangersarneqarpoq.

Nalunaarutip taassuma malinneqarnissaanut nakkutiginninneq eqqarsaatigalugu aalajangersakkap taassuma siuliani immikkoortoq piniarnermut aallaaniarnermullu inatsimmik malinninnissamut nakkutiginninnerup annertusarneqarnissaanut tunngasoq innersuussutigineqarpoq.

5.17 Isumaginninnikkut angerlarsimaffiit inuussutissarsiutigalugu- imaluunniit sunngiffimmi piniarnermut allagartamik tunniussinissamik immikkut akuersissuteqartarnej (§ 11)

Aalajangersagaq pineqartoq ilusimisut iluseqartoq ajornartorsiutitaqarsinnaavoq, paaqqinnittarfiit inuussutissarsiutigalugu piniartunut tunngaviusumik unammillermata tassani

³ Namminersornerullutik Oqartussat nalunaarusiaat nr. 22 19. august 2002-meersoq

piniartut pisaminnik paaqqinnittarfinnut immikkut akuersissutaatilinnut tuniniaasinnaajunnaarnerannik kinguneqarsinnaasoq ataatsimiititaliaq isumaqarpoq. Taamaattumik paaqqinnittarfinnut immikkut akuersissuteqarnissamut periarfissat killilersimaarneqarnissaat assersuutigalugu piniagassanut mikinerusunut soorlu aqissinut ukallinullu taamaallaat atuutsinneqarnissaa Naalakkersuisunit eqqarsaatigineqartariaqartoq siunnersuutigineqarpoq.

Ilangullugu aalajangersakkap matuma siunertaa aalajangersakkallu oqaasertaata allangortinneqannginnerani Ilaqutariinnermut Peqqissutsimullu Ataatsimiititaliaq aammalu Kultureqarnermut Ilinniartitaanermullu Ataatsimiititaliaq Naalakkersuisunit tusarniarneqassasut *ataatsimiititaliamit kaammattuutigineqarpoq.*

5.18 Aqutsiveqarfinni inunnut aqutsiveqarfinni allani najugaqartunut piniarsinnaanermut akuersissut (§ 12, imm. 3)

Siunnersuummi aalajangersagaq § 12, imm. 3 allangortinneqassasoq ataatsimiititaliap siunnersuutigaa. aqutsiveqarfinni inunnut aqutsiveqarfinni allani najugaqartunut piniarsinnaanermut akuersissutinik Aalisarnermut, Piniarnermut Nunalerinermullu Naalakkersuisoqarfimmit tunniussisoqartarunnaarluni kommunit tunniussisalisasat.

Tamatumunnga tunngavilersuutigineqarpoq kommunit akuersissutinik tunniussisareernerat agguaassisareernerallu pineqartumullu ilisimasaqareerlutik piginnaasaqareermata.

5.19 Angallammik uninngatitsigallarneq

Angallat inatsimmik imaluunniit inatsimmut nalunaarutinik unioqqutitsilluni atorqarsimappat nakkutiginninnermut oqartussaniit uninngatikkallarqarsinnaasoq, unioqqutitsisoqarsimappallu tamanna akiligassinneqarnermik arsaarinninnermilluunniit kinguneqarsinnaasoq § 40-mi allassimasoqartoq ataatsimiititaliamit maluginiarneqarpoq.

Angallammik piginnittoq aammattaaq akiligassinneqarsinnaavoq angallatip atornera inatsimmik unioqqutitsissutaasimappat, naak unioqqutitsineq inummut pineqartumut piaarinertut imaluunniit mianersuaallionertut taaneqarsinnaanngikkaluortoq takuuk siunnersuummi § 38, imm. 4.

Tassa imaappoq inuup A umiatsiani inummut B-mut atukkiussimappagu, taava inuup B-p umiatsiaq atukkani atorlugu angalaarnermini unioqqutitsilluni piniagassamik pisaqarsimappat, inuk A umiatsiaminik arsaagaasinnaavoq akiligassinneqarlunilu, naak inuup A-p ilisimannngikkaluaraa inuk B sulerisimanersoq.

Aalajangersagaq pineqartoq naammaginangitsoq ataatsimiititaliaq isumaqarpoq,

inatsisissatullu siunnersuutissami aalajangersakkap *Naalackersuisunit* peerneqarnissaa *kaammattuutigalugu*.

5.20 Piginnaatitsissutit

Ataatsimiititaliap paasivaa inatsimmut siunnersuummi Naalackersuisut piginnaatitsissuuterpasuaqartut. Taamaamat piginnaatitsissutit taakkua atorluarneqarnissaannut nalunaarutitik atulersitsinissamat piffissanik pilersaarusiorlutik siunnersuusiorlutillu *Naalackersuisut* pilersaarusiussasut Ataatsimiititaliap *kaammattorusuppai*.

5.21 Piniarnermi aallaaniarnermilu periutsit (§ 24)

(§ 24, imm. 1)

Sumiluunniit piniarnermut uumasumiillu 500 miiterisut ungasitsigisumiittunut angallatit 15 miiterit angullugit takissusillit atorneqartassasut inatsisissatut siunnersuummi allassimavoq. Ilanngullugu immikkut pisassiissutigineqartunut soorlu arfernut angisuunut angallatit anginerusut atorneqarsinnaaneri pillugit allassimasoqarpoq.

Malittarisassaq 500 miiteri naapertuutinngilluinnartoq peerneqartariaqartorlu ataatsimiititaliaq isumaqarpoq. Malittarisassaq naapertuutinngitsoq assersuutigalugu qamuterallannik umimmanniarnermut angallammillu qamutililimmik arfanniarnermut atatillugu naapertuutinngilaq.

Taarsiullugu piniagassanut naapertuunnerusumik ungasissuseqartarnissaq taamaaliornikkullu piniagassanik ataqqinninnermik takutitsisoqartarnissaa ataatsimiititaliamit siunnersuutigineqarpoq.

Uumasunut piniagassanut qanoq angallatit qamutillu ingerlassissutit ungasitsigisarnissaat eqqarsaatigalugu “pisariaqartumik uumasunik ataqqinnilluni” inatsisissatut missingiusiassami ilanngunneqassasooq ataatsimiititaliap/amerlanerussutillit/ikinnerussutillit siunnersuutigaat.

Ilanngullugu “angallatit” aalajangersakkamit peerneqassasooq, taamaaliornikkut angallatit piniagassanut aalajangersimasunut tulluarnerusut inatsisissatut missingiusiassami akuerineqarnissaat ataatsimiititaliami/ataatsimiititaliami amerlanerussuteqartut/ataatsimiititaliami ikinnerussuteqartut siunnersuutigaat.

(§ 24, Imm. 2.)

Qassutit puisinut, qilalukkanut qilalukkanullu qernertanut atorneqartartunut tunngatillugu kommunit ileqqoreqqusaat kommuninit aalajangersarneqartalernissaat ersarissumik allassimasariaqartoq ataatsimiititaliaq isumaqarpoq.

5.22 Kommunit aqutsinerat (§ 25, imm. 5)

Aalajangiisarnert amerlanersaat kommuninut sapinngisamik annertunerpaamik isumagisassangortinneqartariaqartut ataatsimiititaliap isumaqatigiittup siunnersuutigaa. Kommunit innuttaasunut qaninnerpaajupput najukkanilu ilisimasarnerpaajullutik.

Inatsisissatut siunnersuusiorminni qulaani taaneqartut eqqarsaatigineqassasut ataatsimiititaliap isumaqatigiittup *Naalakkersuisunut kaammattuutigaa*.

5.23 Eqqartuussivimmit aalajangiinertaqanngitsumik inuit angerlarsimaffiinut isersinnaaneq (§ 36, imm. 2)

Inatsisartut inatsisaannik unioqquitsisoqartoq pasitsaassisoqarpat eqqartuussivimmit aalajangiinertaqanngitsumik inuit angerlarsimaffinnut isersinnaanermik inatsisissatut siunnersuut pisinnaatitsivoq.

Oqartussaaffimmut tassunga pisinnaatitsissut angerlarsimaffiup inniminartuuneranut nalinginnaasumik ataatsimullu isigalugu illersorneqarnissaa eqqarsaatigalugu annertuallaartoq ataatsimiititaliaq isumaqatigiittoq isumaqarpoq. Taamaattumik inuit angerlarsimaffiinut pisanik misissuiartornissamat eqqartuussivimmit oqartussat pisinnaatitsissuteqartassasut ataatsimiititaliaq isumaqatigiittoq isumaqarpoq.

5.24 Iliuseqarnerit (§§ 38-46)

Inatsisissatut siunnersuummi inatsimmi aalajangersakkanik unioqquitsinerit makkuninnga iliuseqarfigineqarsinnaapput: akiligassiinikkut, arsaarinninnikkut, pigisat tigummigallarneqarnerisigut aamma ukiuni ataatsimiit tallimanut piniarnermut allagartaajarneqarsinnaallutik imaluunniit allagartartaarsinnaajunnaarallarlutik.

Pillaatissiinerup annertussusaa nalinginnaasumik qaffasinnerujussuusoq aammalu piniartut aningaasaqarniarnerannut inuussutissarsiutaannillu annertuallaamik eqquissasooq ataatsimiititaliaq isumaqatigiittoq isumaqarpoq.

Taamaattumik nutaamik inatsisissatut siunnersuummik saqqummiussinnginnermi tamanna pillugu piniartut kattuffiannik *Naalakkersuisut* oqaloqateqarnissaat *ataatsimiititaliap kaammattuutigissavaa*.

6. Siunnersuutip aningaasatigut kingunerisassai

Siunnersuutip pisortanut inuussutissarsiortunullu aningaasatigut kingunerisai siunnersuummut nalinginnaasumik nassuiaatini nassuiaatigineqarput. Tassani ilaatigut allassimavoq

nalunaarusiat il.il. ingerlanneqareersut saniatigut siunnersuutip inuussutissarsiuteqartunut aningaasaqarnikkut allaffissornikkullu allanik kinguneqarnissaa naatsorsuutigineqanngitsoq.

Aamma allassimavoq inatsimmi piginnaatitsissut atorlugu aallaaniarsinnaanermut misilitsitsisarnermik pilersitsisoqarpat imaluunniit eqqiluisaarneq pillugu pikkorissartitsisarnissamik piunasaqaammik atuutilersitsisoqarpat ima kinguneqarsinnaasoq: aallaaniarsinnaanermut misilitsitsinerup ingerlanneqarneranut atatillugu akiliummut inuussutissarsiutigalugu piniartut aningaasartuuteqartalerannik nassataqarsinnaavoq. Pingaarnertut tunisassiortut eqqiluisaarneq pillugu pikkorissarnermik ingerlatsinissaasa piunasaqaatiginissaa toqqarneqarpat pikkorissarnermut peqataanissamut inuussutissarsiutigalugu piniartut piffissamik atuisariaqassapput.

Ataatsimiititaliap tamatumunnga oqaaseqaatissaqanngilaq.

7. Ataatsimiititaliap inassuteqaatai:

Naalakkersuisut allannguutissatut siunnersuutai marluk pillugit Ataatsimiititaliap isummersuutaa:

Naalakkersuisut allannguutissatut siunnersuutaa 1 (§ 38-mut tunngasoq) **itigartinneqassasoq** ataatsimiititaliap isumaqatigiittup inassutigaa.

Naalakkersuisut allannguutissatut siunnersuutaat 2 (iluarsiissut) ulloq 15. maj 2020-imi ullulerneqartoq **itigartinneqassasoq** ataatsimiititaliamit isumaqatigiittumit inassutigineqarpoq


Siunnersuut matuma kingorna ilusimisut iluseqartoq **itigartinneqassasoq** ataatsimiititaliap isumaqatigiittup inassutigaa.

Tamatuma peqatigisaanik siunnersuut utertinneqassasoq nutaamillu tusarniaaernerup kingorna nutaamik inatsisissatut siunnersuummik Aalisarnermut, Piniarnermut Nunalerinermullu Naalakkersuisoq saqqummiusseqqullugu ataatsimiititaliap isumaqatigiittup kaammattuutigaa, aammalu isumaliutissiissummi ataatsimiititaliap oqaaseqaatai, innersuussutai kaammattuutaalu ilanngunneqarnissaat nalilersorneqarnissaallu innersuussutigalugu.


Taama oqaaseqarluni isumaliutissiisummilu allassimasutut paasinnilluni ataatsimiitaliap siunnersuut aappassaaniigassanngortippaa.




Henrik Fleischer
Siulittaasoq




Aqqaluaq B. Egede
Siulittaasup tullia



Erik Jensen




Jens Danielsen



Steen Lynge



Múte B. Egede



Hans Enoksen



24. maj 2020

UPA 2020/23

Inatsisartut inatsisissamik nalilersuisarfiannit tusarniaanermut akissutit pillugit inatsisilerinikkut allagaqaat kiisalu inatsimmut siunnersuutip ilusilersornera

Rigsadvokatip oqaaseqaatai siunnersuummi ilaannakortumik ilanngunneqarsimasut Inatsisissamik nalilersuisarfimmit paasineqarpoq.

Ilaatigut § 31 pillugu Rigsadvokati allappoq imminut illersorniarnermut tunngasortaa peertariaqartoq *"tassami nalinginnaasumik isumaqartoqarmat uumasooq saassussinavianngitsoq, soorlu tamatuma pinerluttulerinermik inatsisini atorneqarneratut (takuuk pinerluttulerinermi inatsimmi § 9)."*

Apeqquummut 1119-imut 10. oktober 2017-imi Avatangiisinut Inuussutissanullu Ministereqarfimmit akissummi Inatsisinik Atuutsitsineranut Ministereqarfiup paasissutissiissutigaa *"Uumasuutip amaqqumit saassunneqarnera imaluunniit saassunneqaraluttuarnera pissutsit apeqqutaatillugit pillaasarnermut inatsimmi imminut illersorniarneq pillugu malittarisassanut ilaatinneqassaaq. Inatsit malillugu imminut illersorneq pineqarnera suliami pissutsit tamarmiusut pillugit eqqartuussiviup aalajangersimasumik naliliinera pisuni ataasiakkaani apeqqutaajuassaaq."*

"Imminut illersorniarneq" qaqugukkut atorneqarsinnaanersoq Rigsadvokatimit Inatsisinillu Atuutsitsineranut Ministereqarfimmit assigiinngitsumik isumaqarfigineqartoq Inatsisissamik nalilersuisarfiup paasivaa. Taamaattumillu suliami aalajangersimasumi eqqartuussivik naliliisariaqassaaq.

Kiisalu Rigsadvokati ima allappoq: *"Rigsadvokatip uparuarniarpa § 42-mi tunngavigineqartoq pisariaqassappat pigiinnaqartariaqartoq, taamaattoqarniarpallu peqatigitillugu nassuiaatigineqartuni sukumiinerusumik nassuiarneqassasoq piumasaqaatit qanoq ittut naammassineqartarsimassanersut suliap aalajangersimasup allaffissomikkut akiliisitsissutitut "nuunnginnerani".*

Taamaattoqassappallu § 42-mut tunngaviliinermi toqqaannartumik atuarneqarsinnaasariaqassasoq unnerluussummi imaritinneqartussanut piumasaqaatit pillugit eqqartuussisarnermik inatsimmi malittarisassani unnerluunneqartup oqaaseqarnissaminik pisussaaffeqarnera akiliisitsissummi assinganik atorneqassanngitsoq, takuuk inatsimmi pitsaassutsit pillugit Justitsministeeriaqarfiup ilitsersuutaani immikkoortoq 4.5.1."

Siunnersuummi § 43 Kalaallit Nunaanni eqqartuussisarnermi inatsimmi § 347-mut innersuussivoq. § 347-mi allassimavoq pasisaq oqaaseqarnissaminut

pisussaaffeqanngitsq.

Akerlianilli § 42-mi tunngavissiiinermi erseqqissumik allassimangilaq unnerluussissutip imarisassaanut piunasaqaatit pillugit eqqartuussisarnermi inatsimmi maleruagassat akileeqqusissuteqarnermi aamma atuuttuunersut.

Tassunga atatillugu Inatsimmik nalilersuisarfiup immikkoortoq 5.3.2.7 Namminersorlutik Oqartussat inatsisitigut maleruqqusaani allaffissornikkut akileeqqusissuteqartarnermi ima allaqqasoq innersuussutigissavaa: "Taamatut akileeqqusisoqartassatillugu eqqartuussisoqarnermi inatsisip maleruqqussutaani unnerluussinerup imarisassaanut piunasaqaatit pillugit aammalu unnerluussa qqaaseqarsinnaatitaanngitsq pillugit assingusumik akileeqqusissuteqarnermi atorpeqartassasoq tunngavissami ilaatigut allaqqasariaqaraluarpoq."

Qulaani allassimasut tunngavigalugit § 42-mut allannguutissatut siunnersuummik saqqummiusseqqullugit Inatsimmik nalilersuisarfik inassuteqaateqarpoq, tassani ilanngunneqassalluni "unnerluussutip imarisassanut piunasaqaatit pillugit eqqartuussisarnermi inatsimmi maleruagassat akileeqqusissutinut aamma atuupput".

Inatsimmik nalilersuisarfiup paasivaa inatsimmut siunnersuut § 38 imm. 1 nr. 2 eqqarsaatigalugu akiligassiisummik nassataqarsinnaasoq, "§ 33-37 kingorna peqqussummik naapertuutsisinissamik pinngitsoortitsineq."

§ 33-mi katillugu immikkoortut tallimaniit taamaallaat siulliit pingasut utaqqiisaasumik peqqussuteqarnernut tunngassuteqarput.

Taamaattumik Inatsimmik nalilersuisarfik peqqusisoq § 38-mi, imm. 1 nr. 2-mi erseqqissarneqassasoq § 33 taamaallaat § 33, imm. 1-3 akiliisitsissuteqarnermik kinguneqarsinnaasut peqqussummik unioqquitsisimanermik nalunaartoqarsimatillugu.

§ 38, imm. 1, nr. 2-mi § 36-mut innersuussisoqartillugu nakkutilliisutut oqartussat suliffeqarfinnik, angallatinik, ingerlassutinik namminerlu pigisanik nakkutilliartornissamut itigartinneqarpata akiligassinneqarsinnaanermik paasineqassaaq, takuuk qulaani aalajangersagaq oqaatigineqartoq. Taamaattorli Nakkutilliisutut oqartussanik itigartitsineq naalakkiiissutinik malinninnginnermut assingualaanngilaq. Taamaattumik § 36-mut innersuussutigineqartumut tunngatillugu § 38, imm. 1, nr. 2 allatut oqaasertalerneqarnissaa pisariaqartinneqarpoq.

Tamatuma saniatigut Inatsisinik nalilersuisarfiup siunnersuutigaa inatsimmi nalunaarutinilu aalajangersakkanik akiligassiisuteqarfiusinnaasunik unioqquitsinerit tamarmik, inatsimmi tunngavissaqartut, allaffissornikkut akiligassiisoqarnissaanik aalajangiinissamut naleqqunnersut eqqarsaatigineqassasoq.



Ilanngussaq
Bilag

2 2

Henrik Fleischer
Aalisarnermut, Piniarnermut Nunalerinermullu Ataatsimiititaliami siulittaasoq

Att. Lekn@inatsisartut.gl

Piniarneq pillugu Siunnersuisoqatigiit Inatsisartut Piniarneq pillugu Inatsisissamut allannguutissatut siunnersuummut oqaaseqaatissai pillugit apeqquteqaammut akissuteqaat

Dato: 03-04-2020
Sags nr.: 2018 - 13806
Akt. nr.: 13261963

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apn@nanaq.gl
www.naalakkersuisut.gl

6. marts 2020-mi ullulernerqartukkat ataatsimiititaliap 11. november 2019-imi allagaqaatiminut Piniarneq pillugu Siunnersuisoqatigiit inatsisissamut missingersuummut oqaaseqaatai pillugit akineqarnissani kissaatigaa.

Piniarneq pillugu Siunnersuisoqatigiit 12. november 2019 allakkatigit tusarniarneqarput 18. December 2019-imut killilernerqartoq. Akissuteqaatit katillugit marluk tiguneqarput, siulleq TPAK-miit tusarniaanermi siullermi akissuteqarsimangitsoq, aammalu KNAPK-miit tapiissutitut akissuteqartoq, tusarniaanermi siullermi akissuteqaatimi saniatigit. Kommuneniit ilaasortaatat ataatsimiinnermi siullermik tusarniaanermi akissuteqaatiminut innersuussipput.

Piniarneq pillugu Siunnersuisoqatigiit ulluni 20.-21. februar 2020 ataatsimiipput, tassungalugu atatillugu oqaaseqaasiorlutik, ilanngussaq ilisimatitsissutitut ilanngunneqarpoq.

Ataatsimiinnerminut atatillugu Piniarneq pillugu Siunnersuisoqatigiit siunnersuutimi ilaanut atatillugu angallatit pillugit paasissutissanik kisitsisinik KANUAANA-mut kissaateqarsimavoq. Kisitsisit paasissutissat pillugit Naalakkersuisoqarfimmiit oqartussaasumut pissarsiariniarneqarsimasut tiguneqarput.

Paasissutissat taaneqartut siunnersuutit ilaasa taperserneqarnissaanut imaluunniit tapersunnginneqarnissaanut itinerusumik nalilersuinissamut atorneqarput. Allanguutissatut siunnersuut inunnut angallatilinnut arlalissuarnut pitsaanngitsumik kingunerqarsinnaanera aammalu ikittuaqqanut iluaqutaasinnaanera piniakkanut killilersukkanut qinnuteqarnermi peqataasinnaassagaanni. Paasissutissat pissarsiarineqartut 11. november 2019-imiit allakkap akineqarneranut ilaatippakka, ataatsimiititaliamit siunnersuutit kingunerisinnaasai ilisimaqqullugit. Taamaattumik Piniarneq pillugu Siunnersuisoqatigiit oqaaseqaataata nassiunnissaa utaqqisissimavara oqartussaasumit paasissutissat taaneqartut ilaatinniarlugit.

Ilisimatitsissutigissavara Naalakkersuisoqarfik peqqunikuugakku Piniarneq pillugu Siunnersuisoqatigiit inatsisissamut siunnersuummut oqaaseqaatai siunnersuutaalu aallaavigalugit allannguutissanik siunnersuisoqqullugit. Allannguutissatut siunnersuutit suliaralugit naammassineqarniaripata Naalakkersuisunut isummerfigisassanngorlugit saqqummiunneqassapput, kingornalu ataatsimiititaliamut nassiunneqassallutik.

Inussiarnersumik inuulluaqqusillunga



Jens Immanuelson

Aalisarnermut, Piniarnermut Nunalerinermullu Naalakkersuisoq

Ilanngussat:

1. Piniarneq pillugu Siunnersuisoqatigiit 20.-21. februar 2020 oqaaseqaataata assilinera
2. TPAK-mit KNAPK-millu akissuteqaatit,
3. Angallatit 15 m takissusaa tamakkerlugu aamma 16 m takissusaa tamakkerlugu allattorsimaffik nassuiaallu.



Naalakkersuisut

aamma

Inatsisartut Aalisarnermut, Piniarnermut Nunalerinermullu Ataatsimiititaliaat

**Piniarneq aallaaniarnerlu pillugit inatsisissatut siunnersuutip
allanngortinneqarnissaa pillugu Piniarnermut Siunnersuisoqatigiinnit
oqaaseqaat**

21-02-2020
Suliap normua 2018 -
13806
All. nr. 13097830

Aalisarnermut, Piniarnermut Nunalerinermullu Ataatsimiititaliap allakkatigut 11. november 2019-imeersukkut Piniarnermut Siunnersuisoqatigiit Naalakkersuisunit tusarniaaffigineqarnissaat kissaatigisimavaa.

Postboks 269
3900 Nuuk
Oqarasuaat (+299) 34 50
00
Fax (+299) 34 63 55
E-mail: apn@nanoq.gl
www.naalakkersuisut.gl

Piniarnermut Siunnersuisoqatigiit ulluni 20.-21. februar 2020 ataatsimiinnermi piniarneq aallaaniarnerlu pillugit inatsisissatut siunnersuut UKA 2019/23 Inatsisartunit oqallisigineqartoq oqallisigaat.

Apeqqutit assigiinngitsut pillugit Piniarnermut Siunnersuisoqatigiinnit oqaaseqaat ilanngullugu nassiuqqartoq allannguutissat piffissaq 12. november 2019-imit 18. december 2019 tungaanut tusarniutigineqarsimasunut oqallisigineqarnerinit aallaaveqarput.

Naalakkersuisoqarfik tusarniaanernit akissutinik marlunnik tigusaqarsimavoq taakkulu ilisimatitsissutitut ilanngullugit nassiuqqarput. Tusarniaanernit akissutit makkunaneersuupput: TPAK aamma KNAPK. Qeqqata Kommuniata Avannaata Kommuniatalu tusarniaanernut siusinnerusukkut akissutigisimasatik innersuussutigaat.

Piniarnermut Siunnersuisoqatigiit inatsit 1999-imeersoq allannguutissallu pingasut massakut ataatsimoortinneqarlutillu nalilersoqqinneqarsimasut tamakkiisumik naammagisimaarpaat.

Tusarniaanernit akissutinit ataatsimiinnerullu nalaanni oqaatigineqartut makkuusut oqaaseqarfigineqarnissaat pisariaqarpoq:

§ 2: Piniarnermik aallaaniarnermillu aqutsinermi piniartut atuisullu ilisimasaasa akuutinneqartarnissaat:

Piniarnermut aallaaniarnermullu tunngatillugu piniartut atuisullu ilisimasaannik katersinissaq pillugu nalunaarummik Naalakkersuisut suliqaarniarnerat Piniarnermut Siunnersuisoqatigiit taperserpaat. Taamaasiornikkut uppernarsaatissanik aqqissugaanerusumik pissarsisoqartalissaaq aalajangigassanullu tunngatillugu piniartut uumassusilerituullu ilisimasaat assigiimmik atorneqartalerlutik.

Piniarnermut Siunnersuisoqatigiinnit piumasarineqarpoq Naalakkersuisut pisassiissutissanik agguuassussanngortillugit piniartut atuisullu ilisimasaasa uumassusilerituut ilisimasaasa atorneqartarneri assigalugit oqimaaqatigalugillu atorneqartalernissaat.

Tamatuma kingunerisaanik suliassamut tassunga aningaasat sulisullu pisariaqartinneqartut qulakkeerneqarnissaat Piniarnermut Siunnersuisoqatigiinnit

piumasarineqarpoq. Uumassusilerituut siunnersuisarnerinut aningaasanik
illikartitsisoqartarpoq, taamaattumillu piniartut atuisullu ilisimasaasa
katersorneqartarnissaanut aningasanik sulisussanillu pisariaqartinneqartunik
illikartitsisoqartarnissaa pissusissamisuusaaq.

Tamatuma saniatigut Piniarnermut Siunnersuisoqatigiit piumasaraat piniartut atuisullu
ilisimasaasa uumassusilerituut ilisimasaattut siunnersuisarnerisuullu
naleqartinneqalernissaat tassungalu tunngasut inatsisissatut siunnersuummi
erseqqissaatigineqarsinnaasut.

**§ 3: Piniarnermut Siunnersuisoqatigiit isumaqarput nassuiaatit ilaat inatsisissatut
siunnersuummi aalajangersakkat eqqarsaatigalugit killiliisimasut tassungalu
tunngatillugu inatsisissatut siunnersuummi taasumalu nassuiaatitaani pineqartut
erseqqissaatigineqarnissaat kissaatigalugu.**

§ 3, imm. 1, 7-imut) "Kalaallit Nunaanni inuiaqatigiinnut aalajangersimasumik
attuumassutillik" oqaaseqatigiinnut atuutereersunut attuumassuteqartoq: "Kalaallit
Nunaanni inuit nalunaarsorsimaffiannut nalunaarsimasut". Oqaaseqatigiit kingullit
inatsisissatut siunnersuummit peerneqarsimapput – taakkulu inatsisissatut
siunnersuummi nassuiaatitaanilu ikkuteqqinneqarnissaat Piniarnermut
Siunnersuisoqatigiit kissaatigaat.

§ 7, imm. 1, 2) kiisalu § 3, imm. 1, nr. 7-imut nassuiaatit), tassani inatsimmi atuuttumi § 4,
imm. 2, nr. 2) allassimavoq "Kalaallit Nunaanni inuit nalunaarsuiffiannut nalunaarsimasut."
taakkulu inatsisissatut siunnersuutip nassuiaatitaani kisimi taaneqarsimallutik.

Nassuiaat: Inatsisissatut siunnersuummi § 12, imm. 2-mi inuit nalunaarsuiffiannut
nalunaarsimanissaq piumasarineqarpoq. Taamaattumik Piniarnermut
Siunnersuisoqatigiinnit oqaaseqatigiit uku "Kalaallit Nunaanni inuit
nalunaarsorsimaffiannut nalunaarsimasut" inatsisissatut siunnersuummi
nassuiaatitaanilu ikkuteqqinneqarnissaat kissaatigineqarpoq.

§ 3, imm. 1, 9-mut) "Sunngiffimmi piniarneq aallaaniarnerlu"; oqaaseqatigiit
killiliisussaajunnaarlugit erseqqissartariaqarput, kommunimmi ilaat sunngiffimmi
piniartartut pisaminnik killilersugaanngitsunik kalaalimineerniarfinni
tuniniaasarsinnaanissaat periarfissiissutigisarmassuk. Nassuiaanermi allassimavoq
"Piniarneq aallaaniarnerlu **pisap nammineq atorneqarnissaa**" siunertaralugu
ingerlanneqartartoq (Piniarneq pillugu Siunnersuisoqatigiit erseqqissaanera).

Nassuiaat: Piniarnermut Siunnersuisoqatigiit kissaatigaat aalajangersagaq killiliinermik
kinguneqartinneqassanngitsoq, sunngiffimmi piniartarnermi aallaaniartarnernilu
pisarineqartut pissutsit ilaanni nammineq kisimi atugassatut pisarineqarneq ajormata.

**§ 7: Inuit inuussutissarsiutigalugu piniarnissamut akuersissutillit piniakkanik
killilersukkanik akuersissummik qinnuteqartut angallateqarnissaanik
piniuteqarnissaanillu piumasaqaatit.**

Piniarnermut Siunnersuisoqatigiit kissaatigaat inuit inuussutissarsiutigalugu
piniarnissamut akuersissutillit piniakkanik killilersukkanik akuersissummik qinnuteqartut
angallateqarnissaanik piniuteqarnissaanillu piumasaqaatit inatsimmi
tunngavissinneqassasut.

Inatsisissatut siunnersuutip nassuiaatitaani allassimavoq "ingerlatsiveqarfimmi pineqartup inuussutissarsiutigalugu piniarnermut allagartamik qinnuteqarfigisaani, piniarnermut aallaaniarnermullu atortunik pisariaqartunik inuk peqassaaq. Tamanna ima oqaatigineqarsinnaavoq, nunap ilaa pineqartup piniarnikkut aallaaniarnikkullu inuuniuteqarfissaa. Qinnuteqartup piniutinik pissarsisinaanera matumani naammappoq. Pineqartup piniutinik nammineerluni peqarnissaa matumani pisariaqanngilaq. § 3, nr. 5 naapertorlugu pineqartut tassaapput, piniutit atortullu pisariaqartut akuerisaasullu, uumasunik aalajangersimasunik pisaqarniarneq toqutsiniarnerlu siunertaralugit piniarnermut aallaaniarnermullu atorneqartussat."

Piniarnermut Siunnersuisoqatigiit kissaatigaat inuit inuussutissarsiutigalugu piniarnissamut akuersissutillit piniakkanik killilersukkanik akuersissummik qinnuteqartut inuussutissarsiummik ingerlatsisinnaajumallutik angallateqarnissaanik piniuteqarnissaanillu piunasaqaateqartoqassasoq. Taamaattorli Piniarnermut Siunnersuisoqatigiit kissaatigaat piniartut inuusuttut ataatami qanigisaminnilluunniit taakku angallataannik sulii piniagateqartartut taamaasillutillu piniutaannik atuisartut immikkut isiginiarneqarnissaat, inuusuttummi sulii angallateqaleratillu namminneq piniuteqalersimangitsut aalajangersakkakkut sakkortunermik eqqorneqaqqunagit.

§ 12: Inunnut najukkaminnit nuukkallarsimasunut akuersissuteqartarneq. Inuit ilaasa inuttut nalunaarsuiffigisaminnit nuukkallartarnerisa ineriartornera Piniarnermut Siunnersuisoqatigiinnit isumakulunnartoqartinneqarpoq.

Innuttaasut ilaasa killilersukkanik piniarfiusartunut soorlu qilalukkat, aarrit nannullu piniarfiunerisa nalaanni inuttut nalunaarsorsimaffigisaminnit nuukkallartarneri qilalukkalu piniagaajunnaaraangata piniakkalluunniit killilersukkat piniqqusaajunnaaraangata najukkaminnut utertarneri pillugit ajornartorsuutip annertusiartornera Piniarnermut Siunnersuisoqatigiit annertuumik eqqumaffigaat. Nuttartut nammineq kommunerisamini kommunilluunniit marluk akornanni nuttarsinnaasarput.

Pissutsit taamaannerat najukkani aalajangersimasuni najugalinnut kipiluttunartorujussuuvoq, taakkumi piniarnissaminnut periarfissaat nuukkallartunit akornusersorneqarlutillu killilerneqartarmata.

Taamaattumik Piniarnermut Siunnersuisoqatigiit kissaatigaat paragraffini pineqartuni erseqqissumik piginnaatitsisoqassasoq, taamassiornikkut kommunit ataasiakkaat pissutsinik taamaattunik killiliisinnaangorlugit soorlu kommunit peqqussutaat aqutigalugit.

§ 21: Pisanik killilersukkanik pingaartumik qilalukkat qaortat qernertallu mattaanik facebook aqutigalugu nakkutigineqanngitsumik tuniniaasarnerup Naalackersuisunit iliuuseqarfiginissaat Piniarnermut Siunnersuisoqatigiinnit kissaatigineqarpoq:

Kommunip imaluunniit nunaqarfiup allaffiani akuersissummut piasat naqissuserlugit nalunaarsorneqareersimatinnagit, najukkami kalaalimeerniarfimmi tuniniaaffinnilluunniit allani uumasunik pisassiiffiusartuniit pisat tuniniaqqusaanngillat. Tuniniaaqqittartut pisap oqartussanit nalunaarsorneqareersimanageranik uppersaatinik takutitsisoqartariaqarpoq.

Piniarnermut Siunnersuisoqatigiit isumaqarput inuit oqallittarfii soorlu facebook aqutigalugit tuniniaasarnerit piunasaqaatigineqartunik uppersaateqarani

ingerlanneqartartillugit aalajangersagaq pineqartoq "kusassaataannartut" atorneqalissasoq.

Pisanik killilersukkanik inuit oqallittarfii soorlu facebook aqputigalugu tuniniaasernerup annertusiartuinnarnera Piniarnermut Siunnersuisoqatigiinnit isumakulunnartinneqarpoq. Piniakkanik killilersukkanik nalunaarsorneqarsimagatillu nalunaarutigineqarsimangitsunik unioqputitsilluni tuniniaasoqartarunarpoq. Inuit oqallittarfii aqputigalugit tuniniaasernerit pissutigalugit mattaat akii qaffakkiartornerannik kinguneqarsimavortaaq, taamaasillunilu utoqqalinersiallit inuillu allat annikitsumik isertitalit qilalukkat qaqortat qernertallu mattaanik pisinissaminut akissaarullutik.

Taamaattumik inatsisissatut siunnersuummi inuit oqallittarfii aqputigalugit piniakkanik killilersukkanik tuniniaasinnaanermut inerteqquteqalersinnaaneq/killiliisinnaananeq eqqarsaatigalugit aalajangersakkanik suliaqarsinnaanissamut Naalakkersuisut piginnaatinneqartariaqarput, tassungalu ilanngullugu kommunit peqqussutaat aqputigalugit taamatut ilusilersuisinnaanissamut piginnaatitsillutik.

§ 24: Piniakkanut killilersukkanut tunngatillugu angallatit atorneqarsinnaasut angissusaasa 15 meter l.o.a.-mit 16 m. l.o.a.-mut allangortinnera:

Piniakkanut killilersukkanut tunngatillugu angallatit atorneqarsinnaasut angissusaasa 15 meter takissuseq tamakkerlugu (l.o.a.)-mit 16 m. Takissuseq tamakkerlugu (l.o.a.)-mut allangortinneqarnissaa Piniarnermut Siunnersuisoqatigiit kissaatigaat. Tunngavilersuutigineqartoq tassaavoq kommunit ilaanni angallatit ataasiakkaat 15 meterinik anginerulaarsinnaasarmata taamaasillutillu qilalukkanik qaqortanik qernertanillu pisassinneqarsinnaasaratik. Angallatit angissusaasa allangortinneratiguttaaq ilaatigut qilalukkanut qaqortanut pisassiissutaasartut tamakkerlugit pisarisalersinnaanissaat periarfissaqarnerulissaaq.

Angallatit atorneqarsinnaasut 16 m. Takissuseq tamakkerlugu(l.o.a.)-mut anginerulernissaannut ammaassineq piniagassanut killilersukkanut soorlu avannaani akuersissutinik tunineqarsinnaasut amerlisinnaanerini kinguneqarsinnaanera Piniarnermut Siunnersuisoqatigiinnit arajutsisimaneqanngilaq. Taamaasilluni qilalugartassiissutit inunut amerlanerusunut agguarneqartalissapput, taamaasillunilu piniakkat killeqaqisut sukkannerusumik pisarineqartalerlutik pisasseeqqinnissamik qinnuteqarnerusalernermik kinguneqartumik.

§ 30: Piniagassat neqissaqarniarnermut iluaqutaasut illersorneqarnissaat uummasut kiisortut "nunatsinniikkallartartut" kinguaassiulersartullu illersorneqarnissaannit Piniarnermut Siunnersuisoqatigiinnit orniginartinneqarneruvoq.

Uumasut ajornartorsiutaasartut tassunga ilanngullugit "tikeraartartut" soorlu amaqput qappiillu (kukiffaajooq) pingaartumik avannaani amerliartorneri pillugit ajornartorsiut Piniarnermut Siunnersuisoqatigiinnit eqqartorneqarpoq. Uumasut avataaniit Nunatsinnut annгутталersut ilaat isigineqarput inuussutissarsiutigalugulu piniartunut unammillertutut isigineqarlutik.

Pinngortitami uumassusillit assigiinngitsut amerlalluinnartuunissaanik periuseq Piniarnermut Siunnersuisoqatigiinnit tapersorsorneqarpoq. Taamaakkaluartoq uumasut kiisortut soorlu tutturnik, umimmannik uummasunillu allanik pisaqartartut immikkut akuersissuteqarnikkut toqunneqartarnissaanut inatsisitigut periarfissiisoqarnissaa

Piniarnermut Siunnersuisoqatigiinnit piumasarineqarpoq. Taamaasilluni isorliunerusuni killilimmik tuttoqarlunilu umimmaqarfiusuni neqissaqarniarneq aarlerinartorsiortinneqassanngilaq. Taamaattumik uummasut kiisortut uumasunik najukkani uumasunik nungusaasartunik toqutsisinnaanissaq immikkut akuersissuteqarnikkut periarfissinneqartariaqarpoq. Tamanna amaqqut Kalaallit Nunaanni eqqissisimatinneqarnissaat pillugu Namminersornerullutik Oqartussat nalunaarutaat nr. 9, 5. maj 1988-imeersoq naapertorlugu amaqqunut tunngatillugu Tunumi periarfissaareerpoq, taannami naapertorlugu piffinni umimmaqarfiusuni aalajangersimasuni amaqqut eqqissisimatitaanngillat.

Piniarnermut Siunnersuisoqatigiit qilalukkat ataasiakkaat qaleraleqarfinniittut toqunneqartalernissaasa periarfissinneqarnissaa kissaatigaat taakkumi takkukkaangata qalerallit pineqartunit tammakartarmata (perlaasarmata).

Qangaanerusoq kissaviarsuit appaliarsoqarfinniittut piniartunit toqunneqarsinnaasarsimapput, tamakkumi appaliarsuit piaraanik ersiortitsillutillu pisaqartarmata piniartut ileqqutoqqat malillugit appaliarsunniarsinnaanerinit akornutaasumik. Taamatuttaaq qappiit amaqqullu tamaaniittarneri akueriuminaatsinneqarpoq najukkami tuttunik umimmannillu annertuumik ilanngartuisarmata.

Inussiarnersumik inuulluaqqusillunga

Jens Danielsen
Piniarnermut Siunnersuisoqatigiinni siulittaasoq

T.P.A.K.
Postboks 56 Fax 86 49 45
3911 Sisimiut
E-mail. sps@sps-sisimiut.gl

Sisimiut ulloq. 14-11-2019

Aalisarnermut Piniarnermullu Nunalerinermullu Naalakkersuisoqarfik
Postboks 269
3900 Nuuk
E-mail. mdpe@nanoq.gl

Pineqartoq.: ulloq 26-09-2019, UKA 2019/23 tusarniut pillugu.

Kapitali 1-mi § 2, imm. 3-mut taarsiullugu Imm. 2-mi 3-milu sooq ilaanngillat?
§ 2-mi imm. 3-p oqaasertaliussat ersernerluttutut isigaagut, ersarinnerusumik
Oqaasertaqarnissaa piumasaraarput.

Siunnersuutigaarput § 2, imm. 3-mi imatut oqaasertalerneqassasoq piniarnermik
Inuussutissarsiuteqartut ilisimasaat siunnersuutaasalu tusarniarneqartar-
nissaat pingaartillugit pisassanik aaliangersaarnermi ilanngunneqartassapput.

Inussiarnersumik inuulluaqqusilluta
TPAK. Sinnerlugu.

Jens Johansen



Aalisarnermut, Piniarnermut Nunalerinermullu Naalakkersuisoqarfik
Imaneq 1A 7. Sal
P.O. Box 269
3900 Nuuk

Att:
Mailadr.: apnn@nanaq.gl mdpe@nanaq.gl

Una pill: Piniarneq aallaaniarnerlu pillugit inatsisissatut siunnersuummut tusarniaaneq

Piniarneq pillugu Siunnersuisooqatigiinnut tusarniut KNAPK-mi Piniarneq pillugu Siunnersuisooqatigiinni sammineqarpoq, sammineqarneralu aallaavigalugit oqaaseqaat manna suliarineqarpoq.

Maluginiarneqarpoq inatsisissap siullermik tusarniutigineqarnerani akissutit oqaaseqarfigineqartut, uanilu immikkut KNAPK-miit akissutaasimasunut tunngasut paragraffikkaarlugit sammivagut.

Ataatsimut isigalugu inatsimmi toqqammavigineqartunut ilaasariaqarpoq Naalagaaffiit Peqatigiit Nunap Inoqqaavisa Pisinnaatitaaffii pillugit Nalunaarutaat, tassani immikkut taaneqarsinnaallutik immikkoortut 26, 29, 31 aamma 32, nunap immallu pisuussutaannik aqutsisinnaanermut, kulturimullu tunngasut.

§2

Erseqqissisariaqarpoq atuisut ilisimasaat qanoq aqutsinermi ilaatinneqassanersut, inatsimmi taaneqarput tusarniaanerit piniarnerlu pillugu siunnersuisooqatigiit, maanngaanniilli oqaatigisariqarparput taakkunatigut apuunneqartartut kinguneqarneq ajungajapput, tassunga ilaatigut pissutaalluni atuisut ilisimasaannik aqqqissuineq suliaqarnerlu aningaasanut inatsimmi ilaatinneqanngimmat.

KNAPK-miit innersuussutigaarput suliniutit PISUNA-tut ittut aningaasanut inatsimmut ilaatinneqalernissaat taakkunanilu paasissutissat piniakkanik aqutsinermut ilaatinneqalernissaat.

§ 7

15-ileereersimanissamut piunasaqaat allatullu piunasaqaatit atutilissappata taava atortunik soorlu sillimaniarnermut atortunik pigisaqarnermut atsiornikkut uppernarsaasinnaanissaq minnerpaamik piunasaqaaataasariaqarput.

§12

Sumiiffimmiit sumiiffimmut periutsit assigiinnginnamik, piniaqatigiinni kikkut piniakkamiik sunik pissarsissanersut qanoq aaliangerneqartarneri assigiinngillat. Aaliangiisussavilli tassaasariqarpoq akuersissummik piginnittoq. Kommunit ileqqoreqqusaqarnissaannit kaammattortariaqarput.

§15

Maluginiarparput paatsoornikkut KNAPK upernaq oqaaseqaataa imatut paasineqarsimasoq kommunit allaffiisa ammasarnissaat allannngortinniarnaqartut, atuarluaraannili paasinarsissaaq

pineqartoq tassaasoq kommunit allaffii matoqqanerini pisariaqanngitsumik utaqinnginnissaq pillugu akuersissutitik ataasiinnaanngitsumik pisinnaanissaq periarfissaasariaqarmat.

Tamanna ilaatigut atuuppoq piniartooq piniaqatigiinnermilu peqataasoq allaffiup ammarnissaa utaqinngikkaluarlugu tuniniaasinnaanissaat periarfissaasariaqarmat, taamaalilluni asiusoornissaq pinaveersaassallugu.

§22 imm 2

Piniakkanik killilersukkanik pisanik tuniniaasinnaasut tassaapput inuutissarsiutigalugu piniartutut allagartallit, taanna erseqqissumik allassimasariaqarpoq.

§24

Toqutsigasuarnissaq pillugu timmiarsiutit amerlasuui aqerlut atorsinnaaleqqittariaqarput soorlu Norgemi taamaattoqartoq.

Inussiarnersumik inuulluaqquillunga
Kalaallit Nunaanni Aalisartut Piniartullu Kattuffiat
sinnerlugu

Bjarne Lyberth
Uumassusilerisoq
Avatangiisinut Siunnersortaaneq

Assilineri kopier til: KNAPK-mi Siulersuisuunerit

KNAPK Udtalelse vedr. Høring om forslag til Inatsiartutlov om fangst og jagt

Høringen af Fangstrådet blev behandlet hos KNAPK's fangstråd, denne udtalelse er udarbejdet ud fra dennes behandling af høringen.

Det noteres at der er bemærkninger til høringssvarene fra den første høring, her behandles specifikt de bemærkninger der vedrører de paragraffer der vedrører KNAPK's udtalelser.

Lovudkastet bør generelt set tage De Forenede Nationers deklARATION om oprindelige folks rettigheder i betragtning, her bør særligt nævnes artiklerne 26,29,31 og 32 der vedrører retten til forvaltning af land og havressourcer samt kulturelle traditioner.

§2

Det bør klart fremgå hvorledes brugerviden inddrages i forvaltningen, i loven nævnes høringer samt fangstrådet, herfra må vi dog sige at der er langt mellem det der fremkommer gennem de fora og hvad der besluttes i forvaltningen, det mener vi til dels skyldes at indsamling og systematisering af brugerviden ikke er med i finansloven.

Fra KNAPK anbefaler vi at initiativer som PISUNA tages med i finansloven og de informationer der kommer derfra tages med i forvaltningen af fangstdyr.

§ 7

Hvis alderskravet på 15 år og andre krav skal gennemføres så bør krav om ejerskab af redskaber og sikkerhedsudstyr som minimum ved underskrivelse af en erklæring være et krav.

§12

Da traditioner er forskellige fra område til område, er det forskelligt hvorledes dele af fangstdyr fordeles blandt deltagere i fællesjagt. Men den endelige rettighedshaver bør være licenshaveren. Kommuner bør opfordres til at udarbejde vedtægter.

§15

Vi bemærker at vore udtalelse i foråret er misforstået, således at vi skulle kræve ændrede åbningstider for kommunekontorerne, men hvis man læser udtalelsen vil man forstå at det der menes er at for at undgå unødvendig ventetid udenfor åbningstiderne bør man kunne få udleveret mere end en licens til visse fangstdyr.

Det gælder for eksempel hvis fangeren og deltagere i fællesfangst skal sælge kød fra fangstdyr bør de ikke skulle vente på kontoret åbner og risikere at kød går til spilde.

§22 imm 2

Det bør klart fremgå at den der kan sælge dele af kvoterede dyr er indehaver af et erhvervsjagtbevis.

§24

Af hensyn til hurtig aflivning bør blyhagl igen være tilladt således som det er sket i Norge.



Notat Allakkiq

Til Suliamut
Uunga

01-04-2020
Suliap normua.: 2018 - 13806
All. nr. 13457810

Ulluni 20. - 21. februar 2020-mi Piniarnermut Siunnersuisoqatigiinnit siunnersuutigineqartut angallatit 15 m loa-miit 16 m loa-mut killeqartinnerisa allangortinnissaanut sunniutaasussat pillugit nassuiaaneq

Postboks 269
3900 Nuuk
Oqarasuaat (+299) 34 50 00
Fax (+299) 34 63 55
E-mail: apn@nanoq.gl
www.naalakkersuisut.gl

Piniarnermut Siunnersuisoqatigiit ulluni 20. - 21. februar 2020-mi ataatsimiinnerminni piniarnermut aallaaniarnermullu inatsimmi § 24-mut allanguutissatut missingiummi siunnersuutigisimavaat angallatit angissusissaannut killigittinneqartoq meterit 15-iniit (takissuseq tamakkerlugu (t.t) /loa) meterinut 16-inut allangortinneqassasoq.

Allanguisoqarneratigut angallatit amerlanerusut uumasut pisassiiffineqartut, soorlu qilalukkat qaortat qernertallu, agguanneranni isiginiarneqarnissaat Piniarnermut Siunnersuisoqatigiinnit tunngavilersuutaavoq.

15 m t.t.-miit 16 m t.t.-mut allangortitsisoqarneratigut angallatit amerleriarnissaannut paasissutissanik APNN KANUAANA-mut piniarsimavoq. Takussutissat KANUAANA-meersut:

Umiarsualivik aalajangersimasoq	Umiarsualiviup ilisarnaataa	Angallat tamakkerlugu takissuseq imaluunniit arlaannut naapertuunneq (ækvivalent)*		
		10-miit 14- imut **	14-imiit 15- imut ***	15-imiit 16- imut ****
Nanortalik	GR-01	0	0	0
Qaqortoq	GR-02	7	1	4
Narsaq	GR-03	1	1	0
Paamiut	GR-05	7	4	4
Nuuk	GR-06	20	10	10
Maniitsoq	GR-07	15	3	4
Sisimiut	GR-08	19	4	1
Kangaatsiaq	GR-09	4	3	2
Aasiaat	GR-10	4	1	2
Qasigiannuit	GR-11	5	1	1
Ilulissat	GR-12	19	13	8
Qeqertarsuaq	GR-14	2	4	3
Uummannaq	GR-15	10	4	4
Upernavik	GR-16	10	4	0
Qaanaaq	GR-17	0	0	0
Ammassalik	GR-18	1	0	0
		124	53	43

* Kalaallit aalisariutaat amerlanerit LOA-mik nalunaarsorsimangillat. Taamaalilluni angallatit pingaamertut takissusaa imaluunniit ilisarnaatit takissusaa tunngavigalugit takissusaa naliliiffineqassapput.

Takissutsit pingasuusut akornanni aalajangersimasumik naatsorsueriaatsimik soqanngilaq.

** t.t. >= 10 iml. Takissusaa pingaarneq (tp) >=9.75 iml. Ilisarnaatit takissusaa (it) >=9.70) & t.t.<=14 iml. tp<=12.5 iml. It <12.70)

*** t.t.>14 iml. tp > 12.5 iml. it >12.70) & t.t. <= 15 iml tp<=14 iml it <14)

**** (t.t. >15 iml tp >14 iml it >14) & t.t. <= 16 iml tp<=16 iml it <16).

Takissutsit 15-imiit 16 t.t.-mut takinerulernerisigut angallatit ataatsimut 43-nik amerleriassapput.

Kommune	Angallatit amerlassusii Amerleriarnerat:
Kommune Kujalleq:	4
Kommuneqarfik Sermersooq, Tasiilaq ilanngullugu	14
Qeqqata Kommunea	5
Kommune Qeqertalik	8
Avannaata Kommunea	12
Katillugit:	43

Paasissutissat tunniunneqartut nalorninarqarsinnaaneri:

Paasissutissani massakut pigineqartuni nalorninarqarsinnaammata KANUAANA-mit paasissutissiissutigineqarpoq, tassami t.t.-p angallatit tamanit ilisimaneqannginnera pissutaalluni kisitsisit tamakku immikkut nalorninarqarsinnaammata. Tamatuma saniatigut ilimanarpoq paasissutissat qarasaasiaqarfimmiittut LULI-miittut eqqortussaasut. Taamaattoq paasissutissat Umiarsuarut Nalunaarsuiffimmi paasissutissanut sanilliullugit eqqortuupput.

Angerlarsimaffittut umiarsualivik nalunaarsorneqartoq, GR-normup angerlarsimaffittut angerlarsimaffigisaa aamma angallatit najugaqarfiat imminnut naapertuuppiarneq ajorput, tamatumunngalu nalunaarsuinerit kommuninit nutarteriffigineqartarsimanginnerat pissutaasinnaavoq. Tamatuma aamma allaasinnaanera eqqarsaatigineqassaaq.

Nakkutiginninnissamat tunngasortaa:

Angallatit anginerusut umiatsiaaqqanut sukkasuulianut Avannaani angalasunut malinnaasinnaangillat. Matumani ukiaanerani/ukiuunerani ullup qaamarnga nalunaaquttap akunnerini 2,5 - 4-ni atuuttarnera qilalukkallu qaqortat qernertallu Avannaani novembarip naalerneraniit januaarip qiteqqunneranut nalliuttarnerat eqqarsaatigissagaanni. Avannaani angallatit meterinik 16-inik anginerusut amerlanngillat. Pingaarnermik angallatit anginerit Nunatta kujataaniittut takissutsip killigitinneqartup allineranik iluaquserneqartussaapput. Angallatit anginerusut 43-nik ilaneqarnerisigut imartat avannaaniittut kujataaniittullu akornanni angallattoqarnerulernissaa ilimagineqarpoq, tamannalu nakkutilliinerunermik misissuinerunermillu pisariaqartissisaaq.

Inuussutissarsiutigalugu piniartut angallatinik piginnittutut kisimiikkunnaarsimapput. Ingerlatseqatigiiffiit aningaasaateqarluartut angallatit ilaannik piginnittuusut angallammi aquttuusumut uumasunut pisassiissutaasunut akuersissummik tunineqassanersut suliamiit suliamut naliliiffigisassaassaaq.

Aqutsinerup allaffissornerullu tungaatigut:

Uumasunut pisassiissutit unamminartitareeqisut innersuussutigalugit, pingaartumik qilalukkanut qaqortanut qernertanullu tunngatillugu, angallatit takissusiisa 15 m t.t.-miit 16 m t.t.-mut allanngortinnissaat tulluurtuussanngitsaq APNN-imit nalilernerarpoq. Angallatit pisuussutinut unamminartoqareersunut 43-nik ilaneqarnerat

ernumanartoqarpoq. Angallatit anginerusut usertoqqunerupput, qilalukkallu qernertat qaqortalluunniit uumasullu allat pisassiiffigineqartut Kalaallit Nunaata kitaanut pigaangata pisassiissutigineqartunik sukkanerusumik piniarsinnaallutik. Taamatut pisoqarnera pisassiissutinik atuipallannermik, taamaalillunilu pisassiissutit ilaneqarnissaat pillugit amerlanernik qinnuteqartoqarneranik kinguneqarsinnaavoq. Naggataatigullu pisassiissutigineqartut sipporneqalissapput, uumasunullu pisassiissuteqarfiusunut pinnanniunneq suli annertunerulissalluni, tamannalu ajoraluartumik ukiuni kingulliunerusuni arlalinni takussaasarpoq.

Ataatsimut isigalugu APNN-imit naliilernerarpoq nakkutilliinerit alapernaarsuisarnerillu annertunerusut pisariaqartinneqalissasut kiisalu angallatit takissusiisa allannortinnerisigut uumasut pisassiiffigineqartut allaffissornikkut sulinerup aqutsinerullu annerusumik oqimaannerulermisaaannik kinguneqassalluni.

Amalie A. Jessen